

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Rebeccæ exemplo vteri doloribus grauidas moneri, vt Deo se concilient.

urn:nbn:de:hbz:466:1-45686

S. Ambros.
lib. 4. de Fide
c. 4. & hist.
Scholast.

Laërt. in
Platone.

HL

S. Chrysost.
hom. 50.

norum cum Iudæis luctam significari. Priors enim sunt Iudei, sed Christiani, præ illis, benedictionem obtinuerunt. Existimant quidem nonnulli, hanc collisionem Iacob similem fuisse exultationi Ioannis Baptiste in utero matris, ac proinde non minus Iacob, quam Ioannem Baptistam in utero fuisse sanctificatum. Atqui non Iacob tantum, sed Esau quoque se mouit in utero, num & ille exultauit, aut ibi est sanctificatus? nequaquam. Itaque collidebantur in utero parvuli in praesagium futuræ inter eos concertationis, pro jure primogeniturae ac paternæ prædictionis; quemadmodum & aliorum illustrium virorum vita, & facinora sæpe ostentis fuerunt præsignificata; sic ut de S. Dominici matre resurceret, quæ grauida, sibi visu et per somniū, ferre in utero catulum, qui ore facem gestaret, qui orbem terrarum incenderet. Ita nimis dum doctrinæ & sanctitate homines erat inflammaturus. Quin & Alexandi Magni mater aliquid simile vidit. Et Socrates dormiens vidit oloris pullum sibi in gremio plumescere, qui continuo, exortis aliis in altum euolans suauissimos cantus edere videbatur. Platovidelice Socratis discipulus portendebatur, qui inter Philosophos sapientiam & facundiam eminentissime excelluit. Quare cum postridie Plato a patre Socrati sisteretur, *Hic est, inquietus, Cygnus, quem vidi.* Ad eundem modum collisione duorum parvulorum, significabat diuinitus, duos filios futuros patres & capita duarum gentium, Iudeorum & Idumæorum, quæ inuenient aduersantes erant collidenda.

Aliam quoque caussam hinc intelligimus, ob quam Deus matribus uteri dolores sinit esse molestos. Postquam enim Rebecca sensit collisos inter se fratres, *Perrexit, ut consuleret dominum,* in Monte Moria scilicet, per Melchisedech. Nam, ut D. Chrysostomus ait, Rebecca, per sacerdotem, Deum consuluit, & per eundem, a Deo, responsum accepit. Unde additum: *Vide, quanta & tunc erat sacerdotum dignitas.* Docentur ergo hinc grauidæ mulieres, tunc se moneri, quando onus, & imbecillitates, & dolores uteri sentiunt, ut saepius adeant sacerdotem, eiique suæ animæ onera, & imbecillitatem, peccataque, cum dolore, exponant & confiteantur; discantque, quo pacto

fese debeant ad instans periculum, præparare. Cùm enim ne-
sciant, num viuæ atque incolumes, è puerperio, sint emersuræ,
cur audent periculo se committere, ad moriendum imparatae?
Paraphrastes Hierosolymitanus & Hebrei, illud de Rebecca.
Perrexit, ut consuleret Dominum, vertunt: *abyt, ut peteret misericordiam, in domo, ubi concionabatur Sem.* Quia Sem filius Noë
etiamnum orat superstes: quippe cùm mortuus sit, quando
Jacob annum quinquagesimum agebat. Et putant Hebrei,
Melchisedec fuisse Sem. Huius igitur Rebeccæ exemplo, pro-
vidè prægnantes sibi adeunt templum, ut petant misericor-
diam, & felicem succelsum in partitione consequantur. Quo fine
& sacrificia offerri, & Sanctos in vota vocari meritò volunt;
quin & dona offerunt, aur suspendunt, ad aras Diuorum. Mu-
lta efficiunt, si seminas ad diuinos honores trahunt vteri do-
lores. Non igitur dolentes mirari debent, aut, ob quamcun-
que molestiam, dicere: *Si sic mihi futurum erat, quid necesse fuit concipere?*

Noctuæ atque vespertilio[n]es, si aurora lucem ferre oculis
non possunt, quo modo ferent solem meridianum? Feles, quæ
pluuiam fugiunt, ne madefiant, quid sentient in amnem lapsæ?
Tu quoque, mulier, quam, ob exiguo vteri dolores, pœnitit
concepisse, quid dictura es, cùm ad partus tui peruereris cru-
ciatus? cùm puerperij te fordes torquebunt? cùm biduo, tri-
duoué jacebis & eniti non poteris? cùm proli vitam ac lucem
dans, senties tibi oculos tenebrari, & vitam incidi? Nam &
ipsa, cùm parturiret Rachel, ob difficultatem partus, periclitari cœ-
pit. *Dixitq[ue] ei obstetrix: Noli timere, quia & hunc habebis filium.* Gen. 18. 17.
Egrediente autem anima, præ dolore, & imminentे iam morte, vo-
canit nomen filij sui Benoni, id est, *Filius doloris mei. Mortua est er-*
go Rachel. Eodem genere mortis aliæ plurimæ perierant, &
quotidie ferè, hinc inde, perire audiuntur: quæ non tantum
filios suos, Benoni, seu filios doloris possunt nominare, sed eti-
am dicere: *Si sic mihi futurum erat, quid necesse fuit concipere?*
Præsertim, cùm dolores parturientium sint maximi, tales enim
& indicandi sunt, aiunt diuinæ litteræ: *ibi dolores, ut parturien-* Psal. 47. 8.

IV.

Q99 3 tis.